

# 1 PETRUS

## Petrusnge wane ambonga kuyarna

Petrus nu wane te Kristus tuku kuasmbi ma tugu nakmba mbolnge mine likinaig ta tuku kuyarna. Ait ta mbolnge nane sungomba piti yeki yeki sugokanu kangerkinaig tukunu nu nane piti sinamnge bike ndaka sangri tinguwai nga wane te kuyarna.

<sup>1</sup> Kuate tuku mbal tane rawe tanjo tanan Pontus Galesia Kapadosia Asia Bitinia ma tugu ta nakmba mbolnge mine likade tane nakmba kaiye. Ye Petrus Yesus Kristus tuku aposel tane ndon pasatam prowet.

<sup>2</sup> Tane Tukul Guwa tumba Kuate tuku mbal mayok ka Yesus Kristus tuku pasa dubika nuje ndare mbolnge purfen nu mayok kambim tuku Kuate nu o buk tane maditingina.

Kuate nu lato-latomba tane ake sinan make patika ngamungal mukuk wamdus bul sertingwa. Son.

*Sine abo nak minmba minam tuku minde mineg*

<sup>3</sup> Sunjo Yesus Kristus tuku Mam Kuate sine nu tuku nyu te-dungube. Yesus Kristus nu kumna le nu te-tina le abonga tingina wam ta mbolnge Mam Kuate nu sine sungomba mapeka kitek kilemayokkina le kile minmba nu tuku wam magenu minde mineg.

<sup>4</sup> Kuate nu samba mbolnge sine kilam tuku madisingina wam mayenu ta kutur kugatok. Menge nda. Mayenu minmba minamngat.

<sup>5</sup> Sine Kuate nu kumuŋ ŋgeg mbal nu nuŋe sangrimbi sine kulatka minwa le ma ma kugawam tuku ait mbolŋge muskil kile-tidiŋge sinŋamŋgat.

<sup>6</sup> Tane kile ait fagnu piti yimyam kamusde ta muskil kile-tidiŋge tiŋgam tuku wam ta idusmba gare-gareka minap.

<sup>7</sup> Nane agaŋ afu gol kaŋgeranu suk ta kilmba sinŋka gol e ŋga katesewam tuku pasokade. Taŋamba ndo taŋgine ŋgamuŋgal son ta katesewam tuku piti yimyam pa taŋaŋ tane pasokade. Piti mbolŋge taŋgine ŋgamuŋgal son tugusek mayok kinit ta Kuate am mbolŋge sunŋokanu ŋgisikam tuku agaŋ gol ta lite. Tane ŋgamuŋgal son ŋak ta Yesus prowa sulumba tane tuku nyu kile-mayokkuwa le tane nyu ŋak minmba minamŋgaig.

<sup>8-9</sup> Tane Yesus kaŋger ndanaig ta tane nu tuku kume purmba minig. Tane nu kaŋger ndade ta tane nu tuku sanŋri tomba tiŋgade. Tane taŋade le Kuate nu tane tuku muskil kile-tidiŋge tiŋgit le taŋgine ŋgamuŋgal son tuku alonu tade. Ta mbolŋge taŋgine gare maŋau sunŋo ŋayote.

<sup>10</sup> Kuate nu ake sinaŋ sine make patika muskil kile-tidiŋgate ta tuan taŋgo kame o buk ta tuku dir pasa saka katese mayewam tuku wamduusmba minnaig.

<sup>11</sup> Kristus tuku Guwanŋge tuan taŋgo kame tum-ningina le Kuatenŋge madina taŋgo nu rar sunŋo tuwa sulumba nyu sunŋo pasa ŋak tamŋgat ta nane isnaig. Ismba nuŋe ait ginu prowamŋgat ko kilke te ndaŋndaŋmba minwa le nu prowamŋgat ŋga katesewam tuku sotinaig.

<sup>12</sup> Sotinaig ta Kuate nu tuan taŋgo kame ta

saniŋgina: Tangine nġarosu turam tuku piro ndakade. O nġumneŋga mbal afu tuku tane pirokade nġa saniŋgina. Mbal ta tane. Kuate nu samba mbolnġe Tukul Guwa kukulna le ndekina le nane afu nu tuku sanġri mbolnġe Kristus tuku pasa mayenu tiŋginaig. Wam kame tane isnaig ta eŋel kameŋge katesewam tuku wamdus sunġo nġak minig.

*Kuate nu sine mine mayebe nġa wikina*

<sup>13</sup> Tane wamdus ndindo pilmba wamdus kuyar mayenu nġak likap. Kristus nu prowa le Kuate nu tane make patikamŋgat wam ta idusmba minap.

<sup>14</sup> Tane o buk Kuate gilai minmba tangine nzali nġaigonu dubikinaig ta kile kusrekap. Tane kiŋo kame magenu taŋaŋ Kuate kumnemŋge minap.

<sup>15</sup> Kuate nu tane nuŋe kiŋo kame minam tuku wikina ta nu purfeŋnu tukunu tane nu tuku wam te-purmba tangine mine mbolnġe purfeŋnu minap.

<sup>16</sup> Kuate tuku kuyar pasa teŋenmba sakate. Ye purfeŋnu minet taŋamba ndo tane yiŋe mbal purfeŋnu minap nġate.

<sup>17</sup> Tane Kuate nu siŋgine Mam nġade ta nu sine taŋo nġakmba tuku maŋau kumumbi pilesinġit. Ta tuku tane rironġa kilke te mbolnġe minmba nu kumnemŋge minap.

<sup>18</sup> Tangine mbuŋ kat tangine tuku maŋau alo kugatok dubika minnaig le ta nġamuknġe Kuate nu tane tuku muskil kile-tidiŋge tiŋgina ta gol le silwa nġisikam tuku agaŋ tambu nu tane piya ndatiŋgina.

<sup>19</sup> Nu Kristus tuku ndare tambu tane tuku muskil kile-tidiŋge tiŋgina. Nane sipsip fatnu mayenu

balemba Kuate atraukade taŋaŋ Kristus nu purfeŋnu minmba nuŋe ŋgarosu kumam tuku pilna.

<sup>20</sup> Kuate nu agaŋ ndende nda kile-mayokkina sulumba nu Kristus piro ta kam tuku nu madina. Kile kugawam tuku ait te mbolŋge tane turkam tuku mayok kina.

<sup>21</sup> Tane nu mbolŋge Kuate tuku saŋgri tomba tiŋgade. Kristus nu kumna le Kuate nu te-timba nyu suŋgo tuna wam ta tuku tane Kuate nu kumuŋ ŋga nu tairŋga minig.

*Sine tira kame ŋgamuŋgal niŋbe*

<sup>22</sup> Tane Kuate tuku pasa tugusek dubide ta taŋgine mine magenu mbolŋge minmba miŋgemi ndo sa ndaka taŋgine ŋgarosumbi turmba taŋgine tira kame tuku kume purde. Ta tuku tane kile taŋgine ŋgarosu ŋakmbambi taŋgine taŋgine muŋgu kume purkam tuku wamdus saŋgrinu palpe.

<sup>23</sup> Tane kiŋo dabro kitek taŋaŋ maŋ mayok kinaig. Taŋgo tuku maŋau dubimba ina sinamŋge mayok nda kinaig. Abo ta ŋgisikam tuku. Tane Kuate tuku pasa minmba minam tuku ta tinaig sulumba kitek mayok kinaig.

<sup>24</sup> Kuate tuku kuyar pasa teŋenmba sakate. Kilke mbol mbal aŋga taŋaŋ minig.

Naŋgine mindepiye aŋga botnu taŋaŋ.

Aŋga ta tugunu lamba botnu supika ndekate.

<sup>25</sup> Suŋgo tuku pasa taŋawe nda.

Nu minmba minamŋgat ŋgate. *Aisaia 40.6-8*  
Nane afu pasa mayenu tane tugumuŋge kuklinaig ta not.

## 2

<sup>1</sup> Tane maŋau ŋaigonu ŋakmba kusreka wam afu yabri ndakap. Tangine yabri maŋau yabuka sine tiŋreknu mineg ŋga sa ndakap. Afu tuku mine magenu tuku wamdus kagli fir ndakap. Afu tuku ŋgumnem pasa sa ndakap.

<sup>2-3</sup> Tane buk Kuate tuku raŋgun mayenu katesenaig. Ta tuku kiŋo dabro amo nyam paraniŋgit taŋaŋ tane Kuate tuku pasa tugusek tam tuku paratiŋguwa. Tane taŋamba nyumba minap ma ma sugo-sugowap le muskil kile-tidiŋge tiŋgamŋgat.

### *Ndame mayenu abo ŋak*

<sup>4</sup> Ndame ande taŋgo kamenge gisleknu ŋga tesinaig ta Kuate nu ndame ta madimba nu ndame sungo ŋgina ta Kristus. Ndame ta abo ŋak. Tane nu tugum prowap.

<sup>5</sup> Promba ndame abo ŋak taŋaŋ minmba Kuate tuku wande palmbim tuku tangine ŋgarosu patikap. Taŋawap sulumba tane Kuate tuku pris taŋaŋ mayok ka tangine maŋau magenumbi Kuate atraukanu sukamŋgaig. Tane Yesus Kristus ndon ulendikade le Kuate nu tane tuku atrau agaŋ ta nzalite.

<sup>6</sup> Kuyar pasa teŋenmba sakate. Ye ndame sungo madimba tumba Sion tumbraŋ tuku ndame ŋakmba nu mbolŋge saŋgri tiŋgam tuku palmbimŋgit. Ande nu ndame ta tuku saŋgri tomba tiŋguwa ta nu tumail pulunungat ŋgate. *Aisaia 28.16*

<sup>7</sup> Tane ndame ta tuku saŋgri tomba tiŋgade mbal nu tane am mbolŋge ndame sungokanu. Nane nu talade mbal Kuate tuku kuyar pasa teŋenmba nane tuku sakate.

Ndame ande ndame wande pilig mbal gisleknu  
 nga te-sinaig. Ndame ta kile wande ta tuku  
 ndame njakmba nu mbolnge sangri tingade  
 ngate. *Mune 118.22*

<sup>8</sup> Kuyar pasa ande tenenmba sakate.

Tango kame ndame ta mbolnge kupe dannga  
 mbikeka barinungaig nga sakate. *Aisaia  
 8.14-15*

Kuate nu o buk sakina tanjamba ndo nu tuku pasa  
 nda isanu sukmba ngummede mbal nane baringade  
 ta

<sup>9</sup> tane tanjamba kuga. Tane Kuatenge maditingina.  
 Tane nu tuku kuasmbi ndindo minig. Tane Sungo  
 Kuate tuku pris mbal. Tane nu tuku mbal mayok  
 ka nu tuku tur manjau mayenu afu saningam tuku  
 nu ma make sinamnge tane wika kilmba nuje  
 bulu mayenu mbolnge patikina.

<sup>10</sup> Tane buk nyu kugatok mbal minnaig. Kile tane  
 Kuate tuku mbal nyu njak minig. Kuate nu buk  
 tane mape ndakina. Kile nu tane mapekate.

### *Wam pagu pasa yeki yeki*

<sup>11</sup> Tira kame, tane samba mbolok mbal mayok  
 ka kile tenge rawe tango tanjan minig. Tane ngarusu  
 kikon tingam tuku nzali njakmba ngumneningap.  
 Ngarosu tuku nzalinge tanjine kanu njai go siglikate.

<sup>12</sup> Tane Kuate dubi ndade mbal ngamuknge  
 mine mayenu mbolnge minap. Tane tanjawan  
 ta nane tane wam njagonu kanu nga ngumnem  
 pasa tingawaig sulumba tane tuku mine mayenu  
 kanjeramngaig. Kanjerwaig le Kuate nu nane  
 tugum prowa le nane Kuate tuku nyu te-  
 dunjamngaig.

13 Kilke mbol mbal nangine sugo yimyam patikade ta tane Kuate tuku mbal tukunu manjau mayenu te-mayokmba nane kumnemnge minap.

14 Kilke tuku gabat sunjo ko gabat fonfon nu tuku nyu mbolnge pirokade nane njakmba kumnemnge minap. Gabat fonfon nane mbarde mbal lafu njayonu ninmba wam mayede mbal nyu kiledungam tuku nu patikate le nane piro ta kade.

15 Tane manjau tinreknu kumba tamba nane wamdus tugusek kugatok mbal tuku minge tukulinngam tuku Kuate nu nzalite.

16 Kuate nu tane muskil kile-tidinge tingit mbal tane tukul tuku piti kugatok tajar likap. Sine tukul pasa kumnemnge mine ndakeg nga wam njaignu afu kam tuku idus ndawap. Tane Kuate kumnemnge minmba nu tuku piro mbal minap.

17 Tane tango njakmba idusninmba ande maim maim tuwe ndakap. Tane Kristus tuku kuasmbi tuku kume purmba Kuate kumnemnge minmba nu tuku nyu kuraukap sulumba sisar tuku nyu idusap.

18 Piro mbal, tane tangine kulat mbal tuku nyu idusninmba nane kumnemnge minap. Kulat mbal rangun magenu ta ndo kuga. Minje sangrinumbi tane kulatkade mbal mata kumnemnge minap.

19 Tane mbar ndade le afu ake sinar tane kattingig le sine Kuate tuku mbal nga wamdus piti kugatok rar kurade ta tane wam mayede.

20 Tane mbarde le afunge kattingig le tane wamdus piti kugatok rar kurade ta alo kugatok. Tane manjau tinreknu kade le kattingig le tane ndek wamdus piti kugatok rar kurade ta Kuate nu nza-

lite.

<sup>21</sup> Tane wamdus piti kugatok piti kurawam tuku Kuate nu tane wikina. Kristus nu sinenu nga rar sungo tina sulumba piti mbolnge sine nu tuku manjau dubiwam tuku tumsingina.

<sup>22</sup> Nu mbar ande ke ndakina. Yabri pasa ande mata sa ndakina.

<sup>23</sup> Nane afunje nu tumail pannaig ta nu lafumba nane tumail pan ndaningina. Nane nu ngaro rar sungo tunaig ta nu lafumba rironj pasa ande sa ndaningina. Kuate nu tango kumumbi pileningit nga nu wam ta njakmba nu wai mbolnge patikina.

<sup>24</sup> Singine manjau njaigonu kusreka mine kitek mayenu mbolnge minbe nga nu sine tuku une kilmba ail kazrai mbolnge kumna. Nu tuku mba-make tange sine tuku muskil kile-tidinge singina le sine mage mineg.

<sup>25</sup> Sine sipsip tanañ ndin mbarmba ngisika mingenj ta kile Sipsip Kulat Tango tugusek tugum proweg le nu sine tuku kanu kulatkate.

### 3

#### *Pino le tango tuku pasa*

<sup>1</sup> Pino kame, tane tangine tango kat tangine tuku minje kumnemnje minap. Tane tanamba minmba tangine tango afu Kuate tuku pasa dubi ndakade ta tane pasa ande sa ndamba tangine ngan manjau tambi nane Kuate dubiwam tuku didikamngaig.

<sup>2</sup> Tane aleñ aleñ ndaka Kuate kumnemnje minmba katesek manjau njak minap le tangine tango kat tangine nane manjau ta kanjermba Kuate dubiwam tuku iduswaig.



<sup>3</sup> Tane gabat waje mara mara parenj latomba mindepiymba tawi magenu tinmba tanjamba ngarosu tuku mindepiye sunjomba idus ndawap.

<sup>4</sup> Tane ngamunggal tuku mindepiye wamdus bafuknu ngan manau kile-mayokkap. Manau ta kugawe nda. Minmba minamngat. Kuate am mbolnje sunjokanu.

<sup>5</sup> O buk pino kame Kuate dubimba nu minde minnaig mbal nane tanjamba ngamunggal tuku mindepiye njak minmba nanjine tanjo kat nanjine kumnemnje minnaig.

<sup>6</sup> Tane Sara tuku manau kanjerap. Nu Abraham kumnemnje minmba yije gabat nga minna. Pino kame, tane wam ande tuku kuru kuru ndaka manau tinjeknu ndo kap ta tane Sara tuku kulim kame minig.

<sup>7</sup> Tanjo kame, tane mata rangun mayenu njak tanjine pino kame ndon minap. Nane tane tuku sangri kumun kuga tukunu nane kulat magekap. Kuate nu tale arnen ake sinan make patikina le tale kumu kumu abo kitek tinaik. Ta tuku tane tanjine pino kame kulat magekap. Kuate nu tane tuku yaban pasa ise ndakikat.

### *Sine ngamunggal ulendi njak minbe*

<sup>8</sup> Ye wam pagu afu satinngamngit. Tane njakmba wamdus ndindo tap. Piti munju turturkap. Tanjine tanjine kume purkap. Tanjine nyu kilemayok ndakap. Tane munju sinakap.

<sup>9</sup> Nane afu tane mbolnje wam najgonu kuwaig kande tane lafumba wam najgonu ke ndakap. Ko nane afu tane tumail pantinguwaig kande tane lafumba tumail pan ndaningap. Kuga. Tane

lafumba nyaro mayenu ningap. Kuate nu tane wikina ta tane nyaro mayenu kilam tuku wikina.

<sup>10</sup> Kuate tuku kuyar pasa tejenmba sakate.

Ande nu nuŋe mine ŋakmba mbolŋge gare minam idusmba kande nu pasa ŋayonu ko yabri pasa ande sa ndakuwa.

<sup>11</sup> Nu maŋau ŋaigonu kusreka wam magenu kumba minwa.

Nu nane ŋakmba ndoŋ ŋgamuŋgal mukuknu minam tuku wamduŋ saŋgrinu pilwa.

<sup>12</sup> Kuate nu taŋgo tiŋreknu kulatkate.

Nu nane tuku yabaŋ pasa isit.

Nu wam ŋaigonu kade mbal tuku ŋgueu minit.

*Mune 34.12-16*

Kuate tuku pasa taŋamba sakate.

*Sine maŋau tiŋreknu tuku rar tam kumuŋ*

<sup>13</sup> Tane wam magenu kam tuku wamduŋ saŋgrinu palpe ta ande nu tane kilmba ŋaigo siglike nda.

<sup>14</sup> Ko afuŋge tane maŋau magenu kap le kilmba rar tiŋguwaig kande taŋaig. Kuate nu tane mbolŋge wam magenu kamŋgat. Tane taŋgo tuku wam idusmba kuru kuru ndakap.

<sup>15</sup> Tane Kristus nu sine tuku Suŋgo ŋga nu kum-nemŋge minap. Ande nu ndaŋam tane Kristus minde minig ŋga kusnatiŋguwa ndeta tane la-fuwam ŋga nu idusmba pasa mukuk sawap.

<sup>16</sup> Tane Kuate am mbolŋge mbar tuku piti kugatok minap. Tane taŋamba Kristus ndoŋ ulendika mine mayenu mbolŋge minig le afuŋge tane ŋgumnem pasa tiŋgig ta ŋgumnem pasa ta luka naŋgine kiko tuwaig.

17 Kuate nu nzaliwa le afunġe tane maṇau tinġrekn u tuku rar tinġuwaig kande maye. Tane mbarde ta tuku afunġe rar tinġuwaig ta ṇayo.

*Kristus nu tanġo tuku une saukam tuku kumna*

18 Kristus mata mbar ndamba purfeṇnu min-mba sine une ṇak mbal tuku kumna. Nu sine kilmba Kuate tugum prowam tuku taṇana. Nane nu tuku ṇgarosu balenaig ta nu nuṇe kanu mbolṇge abo ṇak mayok kina.

19 Nuṇe kanu kumba ka kanu afu muliṇ kilmba ndalekanu ma mbolṇge minnaig ta pasa niṇgina.

20 Muliṇ kilanu mbal ta nane Noa tuku ait mbolṇge nu waṇ kusmba minna le Kuate nu ṇgan minmba nane tairtairṇgina ta kuga. Nane nu tuku pasa ise ndakinaig. Taṇanaig le nane 8 ndo waṇ ta poṇginaig. Poṇginaig le kule tanġe waṇ tumba te-faitmba nane tuku muskil kile-tidiṇgina.

21 Kule pisne maṇau wam ndui ta ndo tane tuku muskil kile-tidiṇge tinġit. ṇgarosu tuku kutur saukate le wam ta mbolṇge kuga. Kuate nu Yesus te-tina le tinġina tane wam ta tuku sanġri tomba tinġa tanġine mbar tuku piti saukam tuku Kuate yabaṇmba kule pisne tade le muskil kile-tidiṇge tinġit.

22 Yesus nu tinġina sulumba samba mbol kumba kile nu Kuate tuku ndinam kumamṇge nyu sunġo ṇak minit le eṇel kame guwa kise kise sanġri ṇak ta ṇakmba nu kumnemṇge minig.

## 4

*Sine Kristus tuku mbal rar tamṇgig*

<sup>1</sup> Kristus nu ngarosu ngak minmba nu rar sungo tina. Tane mata wamdus ndui ta ngak minap. Ande nu une mañau te-ibenjam tuku ngarosu rar tate ta nu une mañau kusrekate.

<sup>2</sup> Ta tuku tane kilke te mbolnge minmba ngarosu tuku nzali ngakmba tidonga Kuate tuku nzali kum-nemnge minap.

<sup>3</sup> Tane buk kiko kugatok ngarosu tuku nzali ngail ndaka une mañau kam tuku wamdus sangrinu pilnaig. Tane kule kamenu sungomba nyumba afu ndon mañgurka isukusmba maim-maimkinaig. Tane yabri mbara dubika mbar sugo fare fare ke likinaig. Kuate dubi ndade mbal mañau nza-linjingit ta tane buk ke kumunaig.

<sup>4</sup> Kile tane nane ndon maim maim sugo kile-mayokka wam ngaionu ndui ta kam tuku ulendi ndakade le nane tane tuku piriri nyomba ngumnem pasa tingig.

<sup>5</sup> Kuate nu abo minig mbal kumanu mbal pileningam tuku minit ta nane nu tugumnge nangine mbar kile-mayokkuwaig le nu pileningamngat.

<sup>6</sup> Kumanu mbal mata pasa mayenu isnaig. Nane une tuku lafunu kuramba kume likinaig ta nangine kanu Kuate tañan minmba minam tuku nane pasa mayenu isnaig.

### *Sine afu turninbe*

<sup>7</sup> Agan ndende ngakmba kugawam tuku ait buk patukate. Ta tuku tangine ngarosu tuku nzali ngakmba tidonga wamdus kuyar mayenu ngak lika Kuate yabanmba minap.

<sup>8</sup> Tangine tangine lato lato munḡu kume purkap. Maḡau tanḡe tangine mbar gudommba saukate.

<sup>9</sup> Tangine tangine wande munḡu ḡgailka ande gubra ḡak te ndakap.

<sup>10</sup> Kuate nu ake sinanḡ sanḡri yimyam tinḡina ta tane kulat mageka tambu tangine tangine munḡu turkap.

<sup>11</sup> Ande nu pasa kukliwam kande Kuate tugumḡe tumba kukliwa. Ande nu afu turninḡam kande nu Kuatenḡe sanḡri tuwit tambu nane turkuwa. Tane tanḡamba kap ta wam ḡakmba mbolḡe Yesus Kristus tuku sanḡri mayok kuwa le Kuate tuku nyu afunḡe te-dunḡamḡaig. Nu nunḡe nyu kilḡa sanḡri ḡak minmba minwa. Son.

<sup>12</sup> Tira kame, piti sugo tane tagotinḡam tuku pa tanḡan tane pasokade ta tuku tane piriri ḡayo ndawap. Kristus tuku mbal piti kurawam tuku mineḡ ta sine kila.

<sup>13</sup> Tane Kristus ndonḡ ulendika nu piti kamusna tanḡamba piti afu kamusde ta tane gare-garekap. Kristus nu nyu sunḡo pasa ḡak mayok kuwa le tane nu ndonḡ gare sunḡo tamḡaig.

<sup>14</sup> Tane Kristus tuku kuasmbi tukunu afu tane tumail pantinḡuwaig kande tane gare-garekap. Ku-ate tuku Guwa mayenu tane ndonḡ minit tukunu nane tanḡade.

<sup>15</sup> Tane ande bale ndawap. Aḡanḡ ande kuayar ndawap. Wam ḡaigonu ke ndakap. Tanḡo ande tuku wam mayenu kuer ndakap. Tane mbar tanḡanḡ kumba rar kamusap ta kiko.

<sup>16</sup> Tane Kristus tuku nyu ḡak minmba rar tumba kande tane nyu ta kikonu yube ndanḡap. Tane

Kristus tuku nyu njak minig tukunu Kuate tuku nyu te-dunġap.

<sup>17</sup> Kile Kuate nu tugu pilmba sine nuġe mbal pilesinġit ta nu tuku pasa mayenu pitaide mbal nu nane pileninmba ame piti ningamġat.

<sup>18</sup> Kuyar pasa ande tenjenmba sakate.

Tanġo magenu nane muskil kile-tidingam tuku maġaunġe liningam ndafloningit.

Ata. Kuate idus ndamba wam njaigonu kade mbal ta sinġa nġisikamġaig nġate. *Sindaun 11.31*

<sup>19</sup> Kuate nu nuġe nzali dubiwa le afunġe rar tinġuwaig kande tanġine nġarosu Kuate wai mbolnġe pilmba maġau tinreknu ndo kumba minap. Kuate nu tane wakeikina ta nu tane kulatka kusreke nda.

## 5

### *Gabat mbal tuku wam pagu pasa*

<sup>1</sup> Tane gabat kame, ye mata gabat tanġo minet. Kristus nu rar sunġo tina ta yiġe ammbi nu kanġeren. Nu nyu sunġo kilġa sanġri njak mayok kuwa le ye nu ndon kilġa sanġri njak minamġit. Ye tane sarsartinmba satinġamġit.

<sup>2</sup> Kuate tuku sipsip tane nġamuknġe mine likade ta tane kulat mageninġap. Tanġine piro ta kanyum ndamba gare njak biyap. Kuate tuku nzali ta tanġamba. Tane ndametin kilam tuku idusmba piro ndaka piro tuku wamdus sanġrinu pilmba pirokap.

<sup>3</sup> Sipsip kame tane kumnemnġe minig ta minġe sanġrimbi kulat ndakap. Tanġine mine mayenu ta dubiwaig nġa tumninġap.

<sup>4</sup> Tane tanjamba pirokap ta sipsip kulat tanjo tugusek nu mayok kuwa sulumba tane tuku nyu kile-mayokkuwa le nyu sugo njak minmba minamngai.

<sup>5</sup> Tane mbanzo njakmba mage mage kumnemnge minap. Tane Kuate tuku mbal njakmba nyu kile-ibenjka munju turturkap. Kuyar pasa ande tenjamba sakate.

Mbe mbolmbolkade mbal Kuate nu nane ndon ngueu minit. Nyu te-ibenjmba minig mbal nu ake sinan nane make patikate ngate. *Sindaun 3.34*

<sup>6</sup> Ta tuku tane tanjine nyu kile-ibenjka Kuate tuku sanjri kumnemnge minap. Tane tanjamba minap le manau ta ngamuknge Kuate nu tane tuku nyu kile-mayokka nyu sugo tinjamngat.

<sup>7</sup> Kuate nu tane idus tidinga kulatka minit tukunu tanjine piti njakmba nu tuku wai mbolnge patikap.

<sup>8</sup> Tane wamodus kuyar mayenu njak kurauka likap. Tanjine ngueu Satan nu laion tanan nu gubanu nerjerka tane tuku ande balemba nyam tuku likate.

<sup>9</sup> Tane son ngade pasa ta biye demba sanjri tinga Satan tuku minje pitaimba ye mbulit nga samba minap. Tanjine tira kame kilke yimyam mbolnge mine likade ta nane mata piti ndui ta ndo kanjerkade.

<sup>10</sup> Tane ait fagnu piti kamusap le Kuate nu ake sinan tane make patikate nunje tane tuku piti ait mbilmba kumumbi tinreknu kile-mayokka sanjri piletinguwa le tane sanjri tinjamngai. Nunje kilja sunjo ta minmba minamngat. Tane kilja

ta mbolŋge minap ŋga nu Kristus mbolŋge tane wikina.

<sup>11</sup> Nu sanŋri sunŋo ŋak minmba minwa. Son.

<sup>12</sup> Siŋine tira Silvanus nu Kristus tuku piro kumumbi biyit ŋga iduset. Nunŋe ye turyat le waŋe fudiŋndo te tane tuku wamdus bul sertinŋam tuku kuyaret. Wam mayenu tane mbolŋge minit ta Kuate nu ake sinan make patikate wam tugusek ŋga kuyaret. Tane nu tuku wam mayenu ta kusre ndawap.

<sup>13</sup> Yesus tuku kuasmbi Romŋge minig ta tane kaiye pasa tinŋig. Kuate nu nane madiniŋgina. Yiŋe kiŋo Markus nu mata tane tuku kaiye pasa tinŋit.

<sup>14</sup> Tane tanŋine tanŋine tira kame ndon kume pur maŋau alonu kile-mayokap. Tane Kristus tuku mbal ŋakmba ŋgamunŋal mukuk ŋak minap.

Son.



**KUATE TUKU PASA**  
**Portions of the Old Testament and The New Testament**  
**in the Siroi Language of Papua New Guinea**  
**Sampela hap Buk Baibel long tokples Siroi long**  
**Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709